

Հասնում 40 անգլիական մղոնի՝ Բունգո նեղուցի դիմաց, իսկ միև մասերում ընդհանրապէս 8 մղոնից աւելի չէ:

Տեղ-տեղ անցքը այնքան նեղ է, որ իրար Հանդիպող շոգենաւերը Հազիւ են անցնում: Նաւը շարունակ լողում է կղզիների մի ամբողջ ցանցի միջով, մերթ մանրիկ, մերթ քիչ աւելի մեծ կղզիների, երբեմն Հարուստ բուսականութեան մէջ թաղած, երբեմն նկարչական մերկ ժայռերով ծածկւած. բայց միշտ էլ քմահաճ ու կենսուրախ, միշտ տաճարներով պսակւած եւ ձկնորսների ցրիւ խրճիթները ափին:

Բացառիկ կերպով թափանցիկ օդը տալիս է տեսարանի եզրագծերին մասնաւորապէս պարզ ու փափուկ մի շէշտ:

Մշտական անդորրութիւնն ու Հանգիստը թագաւորում են այ ծովի վրա: Տեղի չունեն այնտեղ փոթորիկն ու մրրիկը: Զրբերի կապոյտ մակերեսին ուրախ ու անփոյթ սլանում են սպիտակ ջօնկերը:

Սրանք երբեմն այնքան մեծ բազմութեամբ են Հաւաքւում գիշերները ձկան որսի, որ նրանց ճրագները լոյսի մի անընդհատ երիզ են կազմում մեր ճամփի երկու կողմից. կարծես մի հսկայական լուսավառութիւն լինի՝ մեր շոգենաւի մուտքը տօնելու համար:

Միջերկրական ծովի հետ կապւած են անթիւ առասպելներ, որոնք բոլորն էլ պատկանում են ճապոնական դիցաբանութեան նախնական շրջանին: Աւանդութիւնը բանաստեղծօրէն պատմում է, թէ ինչպէս Իզանագի ու Իզանամի աստուածները, երկնքի շարժական կամուրջի վրա կանգնած, ցած են խրում ջրի մէջ իրանց աղամանդի նիզակը ու խառնում, մինչեւ որ հեղուկը պնդանում է նիզակի ծայրին: Նիզակը քաշում են ետ, իսկ նրա ծայրից կաթող պնդացած հեղուկից գոյանում են կղզիները: Դրանցից մէկն է ահա գեղեցիկ Ավաջի կղզին,